

ქ. რუსთავი

1. ხელშეკრულების დამდები მხარეები

1.1. ერთი მხრივ, თვითმმართველი ქალაქი რუსთავი, შემდგომში „შემსყიდველი“, წარმოდგენილი თვითმმართველი ქალაქ რუსთავის საკრებულოს თავმჯდომარის პირული მოადგილის კახა ბარათაშვილის სახით, და მეორეს მხრივ, სსიპ „საქართველოს საკანონმდებლო მაცნე“-ს წარმოდგენილი მისი თავმჯდომარის მოვალეობის შემსრულებლის ჯონი კვინიკაძეს სახით, შემდგომში „მიმწოდებელი“.

2. ხელშეკრულების საგანი

2.1 „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ა“ ქვეპუნქტის საფუძველზე შემსყიდველმა განახორციელა გამარტივებული შესყიდვა თვითმმართველი ქალაქი რუსთავის საკრებულოს ნორმატიული აქტების გამოქვეყნების შესყიდვაზე „საქართველოს საკანონმდებლო მაცნე“-ში, შემდგომში მომსახურება და მიმწოდებელი იღებს ვალდებულებას გაუწიოს შემსყიდველს აღნიშნული მომსახურება წინამდებარე ხელშეკრულების პირობების შესაბამისად.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს: 6000 (ექვსათასი) ლარს.
3.2. ანგარიშსწორება განხორციელდება ხელშეკრულების მოქმედების პერიოდში ფაქტიურად გამოქვეყნებული ნორმატიული აქტების მოცულობის საფუძველზე.
3.3. ხელშეკრულების ფასი შეიცავს მიმწოდებლის ყველა ხარჯებს, დაკავშირებულს მომსახურების მიწოდებასთან, მათ შორის კანონმდებლობით დადგენილ ყველა გადასახადს, მოსაკრებელს.

4. შესყიდვის ობიექტის მახასიათებლები

4.1. საქართველოს იუსტიციის მინისტრის 2010 წლის 06 დეკემბრის №225 ბრძანების საფუძველზე ნორმატიული აქტების გამოქვეყნების ღირებულება შეადგენს:

- ა) ერთი გვერდიდან 10 გვერდის ჩათვლით – თითოეული გვერდის გამოქვეყნებისთვის 20 (ოცი) ლარს;
 - ბ) 11 გვერდიდან 50 გვერდის ჩათვლით – თითოეული გვერდის გამოქვეყნებისთვის 15 (თხუთმეტი) ლარს;
 - გ) 50 გვერდზე მეტი – თითოეული გვერდის გამოქვეყნებისთვის 10 (ათი) ლარს.
- გვერდების რაოდენობა იანგარიშება გამოსაქვეყნებლად წარდგენილი დოკუმენტის თითოეული გვერდის მიხედვით. არასრული გვერდი ჩაითვლება ერთ გვერდად.

5. მომსახურების შესაბამისობა

5.1. ხელშეკრულების მეორე მუხლით გათვალისწინებული მომსახურება უნდა შეესაბამებოდეს მსგავსი მომსახურებისათვის უკვე არსებულ სტანდარტებსა და შემსყიდველი ორგანიზაციის მოთხოვნებს.
5.2. 5.1. პუნქტში აღნიშნული ნებისმიერი გადახვევის შემთხვევაში შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

6. მომსახურების მიწოდების პირობები

6.1. ვადები:

6.1.1. მომსახურების გაწევა განხორციელდება ეტაპობრივად შემსყიდველის მოთხოვნის შესაბამისად, ხელშეკრულების მოქმედების განმავლობაში.

6.2. ადგილი:

6.2.1. მომსახურების მიწოდება განხორციელდება მიმწოდებლის მისამართზე: ქ. თბილისი, გორგასლის ქ. №24

7. შესყიდვის ობიექტის მიღება-ჩაბარების წესი

7.1. შესყიდვის ობიექტის მიღება-ჩაბარება დასტურდება ნორმატიული აქტის გამოქვეყნებით და წინამდებარე ხელშეკრულების 16.1 პუნქტით განსაზღვრული ხელშეკრულების შესრულების კონტროლის

მსახორციელებელი პირის მიერ, რაზეც გაფორმდება შესაბამისი მიღება-ჩაბარების აქტი, ორ ვგზემპლარად.

შემსყიდველის მხრიდან მიღება-ჩაბარების აქტზე ხელს აწერს თვითმმართველი ქალაქი რუსთავის საკრებულოს აპარატის უფროსი მიმწოდებლის მხრიდან ს.ს.ი.პ. „საქართველოს საკანონმდებლო მაცნე“-ს თავმჯდომეარე

8. ანგარიშსწორების პირობები

8.1. ანგარიშსწორების ფორმა - უნაღდო ანგარიშსწორება ღარებში.

8.2. ანგარიშსწორება იწარმოებს ფაქტიურად გაწეული მომსახურების შესაბამისი მიღება-ჩაბარების აქტისა და ანგარიშგაქტურის საფუძველზე, წარმოდგენიდან არა უგვიანეს 15 (თხუთმეტი) სამუშაო დღის განმავლობაში.

9. მხარეთა ვალდებულებები

9.1. მიმწოდებელი ვალდებულია:

9.1.1. უზრუნველყოს მიწოდებული ტექსტების დროულად და მაღალხარისხიანად დამუშავება და დროულად გამოქვეყნება;

9.1.2. გამოაქვეყნოს შემსყიდველის მიერ წარმოდგენილი აქტები გაზეთის უახლოეს პერიოდულ ნომერში.

9.1.3. უზრუნველყოს მიწოდებულ მომსახურებაზე გამოვლენილი დეფექტებისა და ნაკლოვანების აღმოფხვრა საკუთარი ხარჯით

9.2. შემსყიდველი ვალდებულია:

9.2.1. უზრუნველყოს ინფორმაციის მიწოდება მიმწოდებლისათვის წერილობითი ფორმით (დედანი) და ასევე ელექტრონული ვერსიით.

9.2.2. უზრუნველყოს „მიმწოდებლის“ დაფინანსება ხელშეკრულების პირობების შესაბამისად.

9.2.3. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან

10. მხარეთა უფლებები

10.1. „მიმწოდებელს“ უფლება აქვს:

10.1.1. არ გამოაქვეყნოს ნორმატიული აქტი, რომელსაც არა აქვს მინიჭებული საქართველოს იუსტიციის სამინისტროს სახელმწიფო სარეგისტრაციო კოდი.

10.1.2. ხელშეკრულების ფარგლებში მოითხოვოს დროული და სრული დაფინანსება.

10.2. „შემსყიდველს“ უფლება აქვს:

10.2.1. აწარმოოს მოწოდებული საქონლის ხარისხისა და მოცულობის კონტროლი და ხარვეზის აღმოჩენის შემთხვევაში დაუყოვნებლივ მიაწოდოს ინფორმაცია მიმწოდებელს, მისი აღმოფხვრის მიზნით.

10.2.2. განაცხადოს უარი უხარისხო მომსახურების მიღებაზე.

11. ფორს-მაჟორი

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2. ამ ხელშეკრულების მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების

შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

12. ხელშეკრულების პირობების გადასინჯვა

12.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

12.3. ხელშეკრულება შეიძლება შეწყდეს ვადაზე ადრე მხარეთა შეთანხმებით ან მოქმედი კანონმდებლობით გათვალისწინებულ შემთხვევებში.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა დონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება რომელიც წარმოიქმნება ხელშეკრულების პირობების შესრულებასთან დაკავშირებით.

13.2. თუ ასეთი მოლაპარაკებების დაწყებიდან 10 (ათი) დღის განმავლობაში შემსყიდველი და მიმწოდებელი ვერ შეძლებენ სადაოო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს, თუ ხელშეკრულებით სხვა რამ არ არის გათვალისწინებული.

14. ხელშეკრულების შესრულების შეფერხება

14.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

15. ხელშეკრულების პირობების შეუსრულებლობა

15.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში მხარეებს ეკისრებათ პირგასამტეხლო ყოველ გადაცილებულ დღეზე გაანგარიშებით შეუსრულებელი ვალდებულების ღირებულების 0,1%-ის ოდენობით.

15.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

15.3. იმ შემთხვევაში, თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს მხარეებს უფლება აქვთ შეწყვიტონ ხელშეკრულება.

16. ინსპექტირების პირობები

16.1. ხელშეკრულების შესრულების კონტროლს (ინსპექტირებას) განახორციელებს თვითმმართველი ქალაქ რუსთავის საკრებულოს აპარატი.

16.2. ინსპექტირების გამწვევის ფუნქციები:

ა) „მიმწოდებლის“ მიერ ხელშეკრულებით ნაკისრი ვალდებულების ხარისხსა და მიწოდების ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება, მიღება-ჩაბარების აქტის გაფორმება.

ბ) სახელმწიფო შესყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება.

გ) „მიმწოდებლის“ მიერ ხელშეკრულებით ნაკისრი შესრულებული ვალდებულებების ნაკლოვანებებს ინსპექტირების გამწვევი აფიქსირებს ოქმით. დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.

16.3 ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს შესყიდული საქონლის ინსპექტირება.

17. ხელშეკრულების მოქმედების ვადა

17.1. წინამდებარე ხელშეკრულება ძალაში შედის მხარეთა მიერ ხელმოწერისთანავე.

17.2 ხელშეკრულების მოქმედების ვადა განისაზღვრება 2013 წლის 03 იანვრიდან 2013 წლის 31 დეკემბრის ჩათვლით.

18. განსაკუთრებული პირობები

18.1. ხელშეკრულება შედგენილია ოთხ ეგზემპლარად (4 გვერდზე) და თითოეულ მათგანს თანაბარი იურიდიული ძალა აქვს.

18.2. ხელშეკრულების ერთი ეგზემპლარი ინახება “მიმწოდებელთან”, სამი – “შემსყიდველთან”

მხარეთა რეკვიზიტები

„შემსყიდველი“

თვითმმართველი ქალაქი რუსთავი

მის: რუსთავი, მ. კოსტავას გამზირი №20

საიდენტიფიკაციო კოდი №216433287

სს „ლიბერთი ბანკი“ ბ/კ №LBRTGE22

ა/ა № GE78LB0125148543037000

„მიმწოდებელი“

ს.ს.ი.პ. „საქართველოს საკანონმდებლო მაცნე“

მისამართი: ქ. თბილისი,

გორგასლის ქ. №24.

საიდენტიფიკაციო ნომერი: 203862622

ტელ. 40 59 17 40-58-24, ,

საბანკო რეკვიზიტები: სს „საქართველოს ბანკი“

ბ/კ: BAGAGE 22

ა/ა GE 91BG0000000347678600

თვითმმართველ ქალაქი რუსთავის
საკრებულოს თავმჯდომარის
პირველი მოადგილე

კახა ბარათაშვილი

თავმჯდომარის მოადგილის შემსრულებელი

ჯონი კვინიკაძე

ინსპექტირებაზე პასუხისმგებელი პირი: მაია დოლიძე